

《六壬大全》 术数类四

臣等谨案：

《六壬大全》十二卷，不着撰人名氏。卷首题“怀庆府推官郭载駮校”，盖明代所刊也。六壬与遁甲、太乙，世谓之“三式”，而六壬其传尤古，或谓出于黄帝元女，固属无稽，要其为术，固非后世方技家所能造。

大抵数根于五行，而五行始于水，举阴以起阳，故称壬焉；举成以该生，故用六焉。

其有天地盘与神将加临，虽渐近奇遁九宫之式，而由干支而有四课，则亦两仪、四象也；由发用而有三传，则亦一生二、二生三、三生万物也；以至六十四课，莫不原本羲爻，盖亦《易》象之支流，推而衍之者矣。

考《国语》伶州鸠对七律，以所称“夷则”、“上宫”、“大吕”、“上宫”推之，皆有合于六壬之义。

然占卜之属，特以五音、十二律定数，未可即指为六壬之源。《吴越春秋》载伍员及范蠡“鸡鸣”、“日出”、“日映”、“禹中”四术，则时将加乘，与龙、蛇、刑、德之用，一如今世所传。而《越绝书》载公孙圣亦有“今日壬午时加南方”之语。其事虽不见经、传，似出依托，然赵煜、袁康皆后汉人，知其法着于汉代也。

其书之见于史者，《隋志》二家，《唐志》六家，《宋志》三十家。而焦竑《经籍志》所列，多至八十三家，然多散佚不传；其存者，如徐道符《心境》，蒋日新《开云观月歌》，凌福之《毕法赋》，及《五变中黄经》，术家奉为蓍蔡。

而流传既久，其说多岐，或专论课体而失之拘，或专主类神而失之粗，或杂取神煞而失之支，又皆不可以为法。

是书指《大全》，闲人按总集诸书遗文，首载《入手法》、《总铃》及贵神月将德煞、加临喜忌，旁采唐以来诸论，若《括囊》、《云霄赋》、《课经》之类，而纬以《心境》、《观月》诸篇，采撷颇为详备。

案《明史·艺文志》有袁祥《六壬大全》三十三卷，名目相同而卷帙不符，未必即祥所辑。

要其博综简括，固六壬家之总汇也。惟是六壬所重，莫过于天乙贵神阴阳顺逆，为吉凶所自出，如匠者之準绳矩矱。

而先天之德起于子，后天之德起于未，以五千德合神取贵。

承学之士多未究其源，我圣祖仁皇帝《御定星历考原》一书，贯串玑衡，权舆圭臬，以订曹震圭昼丑夜未之讹，实足立千古之标准。

我皇上御纂《协纪辨方书》，复申畅斯旨。谨按《吴越春秋》所载子胥之占，三月甲戌，时加鸡鸣，而以为青龙在酉，是甲日丑为阴贵也。

范蠡石室之占，十二月戊寅，时加日出，而亦以为青龙临酉，功曹为螣蛇，是戊日丑为阳贵也。

沿溯古义，皆与圣谟垂示先后同符，是书所取天乙尚沿俗例，卷中仅载先天贵人一图而不用，未免失之舛漏。

又所载十二宫分野，亦多拘牵旧说，未能订正；今以原本所有，姑仍其旧录之，而附订其失如右。

乾隆四十六年九月恭校上

总纂官 臣纪昀 臣陆锡熊 臣孙士毅
总校官 臣陆费墀

钦定四库全书

六壬大全卷一 起例

入手法

十干寄宫

甲课寅兮乙课辰，丙戊课巳不须论。丁己课未庚申上，辛戌壬亥是其真。癸课原来丑宫坐，分明不用四正神。

一 贼克法

一下克上曰重审，一上克下曰元首

取课先从下贼呼，如无下贼上克初。初传之上名中次，中上加临是末居。三传既定天盘将，此是入式法第一。

二 比用法

即知一也

下贼或三二四侵，若逢上克亦同云。常将天日比神用，阳日用阳阴用阴。若或俱比俱不比，立法别有涉害陈。

三 涉害法

涉害行来本家止，路逢多克为用取。孟深仲浅季当休，复等柔辰刚日宜。

四 遥克法

神遥克日曰蒿矢，日遥克神曰弹射。四课无克号为遥，日与神兮遥互招。先取神遥克其日，如无方取日来遥。或有日克乎两神，复有两神来克日。择与日干比者用，阳日用阳阴用阴。

五 昴星法

无遥无克昴星穷，阳仰阴俯酉位中论初传也。刚日先辰而后日，柔日先日而后辰论中末也。

六 别责法

戊辰、戊午、丙辰三刚日各一课，辛未二课，辛丑二课，丁酉、辛酉各一课

四课不全三课备，无遥无克别责例。刚日干合上头神，柔日支前三合取。皆以天上作初传，阴阳中末干中寄。刚三柔六共九课，此课先贤俱隐秘。戊午戊辰与丙辰，干上皆午是为亲。辛丑辛未各二日，下上皆是丑未真。丁酉当为己丁是，辛酉原来是酉辛。

七 八专法

论克不论遥

两课无克号八专，阳日日阳顺行三连本位数。阴日辰阴逆三位，中末总向日上眠。

八 伏吟法

伏吟有克还为用，无克刚干柔取辰。迤邐刑之作中末，从兹《玉历》职其真。若也自刑为发用，次传颠倒日辰并。次传更复自刑者，冲取末传不论刑。

九 返吟法

返吟有克亦为用，无克别有井栏名。若知六日该无克，丑未同干丁己辛。丑日登明未太乙，辰中日末识原因阳日用辰，阴日用日，辰上作中，日上作末。

神煞

岁神煞

岁君：甲见甲之类。年中天子之象，统摄诸位神煞。入占尊长、部官之事。占官有面君之喜，不宜受克。

太岁：子年见子之类，利仕人不利常人。受克尊长凶。如六月以前见旧年太岁，旧年事；七月以后见来年太岁，来年事。

太岁神煞：

太岁排轮十二宫，岁破大耗与年冲，前五死符并小耗，病符后一不离宗。后二太阴并吊客，后四白虎是凶神。

岁前二辰丧门凶，前四畜官官符神。太岁前维力士位，对冲蚕室有灾星。奏书后维冲博士，五鬼逆行子加辰。

黄幡只向三合来，对冲豹尾不虚云。金神之杀随年干，纳音金位同庚辛。三合中冲两边去，便是伏兵大祸神。

亥子丑年将军酉，三年一移顺仲神。

子丑寅卯辰巳午未申酉戌亥

将军 酉酉子子子卯卯卯午午午酉 **占行人用**

岁刑 卯戌己子辰申午丑寅酉未亥

岁破 午未申酉戌亥子丑寅卯辰巳

岁煞 未辰丑戌未辰丑戌未辰丑戌

大耗 午未申酉戌亥子丑寅卯辰巳 **即岁冲也，岁建前破也。**

小耗 巳午未申酉戌亥子丑寅卯辰 **岁建前执也**

丧门 岁前二辰

吊客 岁后二辰

岁墓 岁后五位，如子年见未。

岁德 即岁君，阴年从阳如。己年见甲之例。

岁合 即甲年见己。

年月三煞：未辰丑戌未辰丑戌未辰丑戌

金神 酉巳丑酉己丑酉巳丑酉己丑 **即破碎。**

岁宅 岁前五位。如子年见巳。

病符 岁后一辰。

岁虎 岁后四辰。

十天干神煞

甲乙丙丁戊巳庚辛壬癸

福星 子丑子子未未丑丑巳巳

日德 寅申巳亥巳寅申己亥己

日禄 寅卯己午己午申酉亥子

日医 卯亥丑未己卯亥丑未巳

直符 己辰卯寅丑午未申酉戌

仪神 午巳辰卯寅丑未申酉戌

游都 丑子寅巳申丑子寅巳申

天盗 子亥卯申己子亥卯申巳

天贼 辰午申亥寅辰午申亥寅

稼穡 丑丑辰辰未未戌戌戌戌

羊刃 卯辰午未午未酉戌子丑 **日前一位。**

天罗 卯巳午申午申酉亥子寅

天解 亥申未丑酉亥申未丑酉

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》【32 万册影印古籍 + 20 多亿字，带检索器和阅读工具】包括各地方志、日本内...

【更多】 >> <https://www.fozhu920.com/list/>